


Indice di Percepcion di Negoshi a subi un poco durante e tercer trimester di 2025.

Comunicado di prensa¹

Banco Central di Aruba (BCA) a conclui e encuesta di percepcion di negoshi pa e tercer trimester di 2025. E encuesta di percepcion di negoshi ta evalua e percepcion economico di e negoshinan local.

E asina yama 'Business Perception Index, cu ta consisti di e indicenan di condicion economico a corto plaso y condicion economico actual, a crece un poco for di 105,4 den e segundo trimester di 2025 te na 105,5 den e tercer trimester di 2025 (mira Grafico 1)².

Grafico 1: 'Business Perception Index'.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan

E indice di condicion economico actual a subi cu 0,7 punto di indice te na 105,6, mientras cu e indice di condicion economico a corto plaso a baha cu 0,7 punto di indice te na 105,4 den e tercer trimestre di 2025 (mira Grafico 2).


Grafico 2: Resultado di Condicion Economico actual y Condicion Economico a corto plaso durante e tercer trimestre di 2025.



Fuente: Banco Central di Aruba

E expectativa pa locual ta crecimiento economico, 51.1% di negoshi encuesta ta anticipa un crecimiento economico flat den e siguiente 12 lunanan (mira Grafico 3).

Grafico 3: Expectativa di crecimiento economico den e siguiente 12 luna.



Fuente: Banco Central di Aruba

Durante e tercer trimester di 2025, e porcentahe di negoshi encuesta indicando "ningun cambio" den empleo a baha cu 19,4 punto di porcentahe te na 27,7%. E porcentahe di negoshi encuesta cu a raporta un "ganashi" a baha cu 0,5 punto di porcentahe te na 93,6% den e tercer trimester di 2025. E porcentahe di negoshi encuesta indicando "mehoracion" den e condicion economico actual di inversion a baha cu 17,3 punto di porcentahe te na 29,8% den e tercer trimester di 2025. Encuanto condicion economico a largo plaso pa e siguiente 12 lunanan, 51,1% ta anticipa cu e tasa di inflacion lo ta entre 2% y 3%.

E relato completo di e encuesta di percepcion di negoshi ta disponibel ariba website di BCA www.cbaruba.org

Banco Central di Aruba

15 december 2025

Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante Banco Central di Aruba, por bishita su website www.cbaruba.org
